



WORD

¹¹Biglang nagpakita kay Zacarias ang isang anghel ng Panginoon. Nakatayo ang anghel sa bandang kanan ng altar na pagsusunugan ng insenso.

¹²Nabagabag at natakot si Zacarias nang makita niya ang anghel. ¹³Pero sinabi sa kanya ng anghel, “Huwag kang matakot Zacarias! Dininig ng Diyos ang panalangin mo. Magkakaanak ng isang lalaki ang asawa mong si Elizabet, at Juan ang ipapangalan mo sa kanya.

¹⁴Matutuwa kayo at magiging maligaya dahil sa kanya, at maraming magagalak sa pagsilang niya . . .” LUCAS 1:11-14

WHAT

Nakatanggap ng pangako galing sa Diyos si Zacarias ng wala sa tamang panahon. Ang kanyang asawang si Elizabet ay baog at pareho na silang matanda. Ngunit sa pamamagitan ng anghel na si Gabriel, nakatanggap ng salita galing sa Diyos si Zacarias—ang pangako ng isang anak. Sa aral na ito, matututunan natin kung papaano at maiintindihan natin kung bakit tayo makatatanggap ng biyaya sa pamamagitan ng Salita ng Diyos sa kabila ng nawalang pagkakataon.

1 Ang Salita ng Diyos ay nabibigay sigla.

Pero sinabi sa kanya ng anghel, “Huwag kang matakot Zacarias! Dininig ng Diyos ang panalangin mo. Magkakaanak ng isang lalaki ang asawa mong si Elizabet, at Juan ang ipapangalan mo sa kanya.” LUCAS 1:13

Nakatanggap si Zacarias ang katiyakan mula kay Gabriel na ang kanyang mga panalangin ay hindi nasayang at ito na rin ang nagbigay sigla sa kanya. Tulad nito, kapag binabasa natin ang Bibliya, nalalaman natin ang mga maraming pangako na nagpapakita ng Kanyang kabutihan at pangangangalaga sa atin. Ang palagiang pagbabasa at pakikinig ng Salita ng Diyos ang nagpapalakas ng ating pananalig. Magbahagi ng halimbawa kung paano napalakas ng Salita ng Diyos ang iyong kalooban.

2 Ang Salita ng Diyos ay nagbibigay ng pag-asa.

Maraming Israelita ang panunumbalikin niya sa Panginoon na kanilang Diyos. LUCAS 1:16

Ang pangako ng Diyos ay naghatid ng pag-asa hindi lamang kay Zacarias kundi sa buong bayan ng Israel. Malamang ay lubhang nagalak si Zacarias na malaman ang malaking bahagi ng kanyang anak sa pangakong ito. Katulad ng dakilang pangakong ito ang nabibigay sa bawat mananampalataya dahil sa katagumpayan ni Jesus sa krus. Aling mga sipi sa Kasulatan ang nagpapahiwatig ng pag-asa para sa mga anak ng Diyos?

3 Ang Salita ng Diyos ay maaasahan.

⁵⁷Dumating na ang oras ng panganganak ni Elizabet, at nagsilang siya ng isang lalaki. ⁵⁸Nabalitaan ng mga kapitbahay at mga kamag-anak niya kung paano siya pinagpala ng Panginoon, at nakigalak sila sa kanya. LUCAS 1:57,58

Natanggap ni Zacarias at Elizabet ang pangako ng Diyos sa kanila nang isilang si Juan. Pinatunayan nito sa kanila na maaasahan ang Salita ng Diyos. Sa ngayon, ang Salita ng Diyos ay patuloy na maaasahan sa kahit na anong panahon, lugar, o kalagayan. Papaano naaapektuhan ng katotohanang maaasahan ang Salita ng Diyos ang iyong pamumuhay?
